



13
1906
1



1906
1

和漢三才圖會畧卷第一

攝陽 城醫法橋寺島良安 尚順編

天部

天

蒼天

昊天

春

旻天

秋


和名曾良云阿娘

天理也氣也據遠視之蒼蒼然曰蒼天天之主宰謂之帝天之功用謂之鬼神天之性精謂之乾一太極別而清輕者上為天是陽也濁重者下為地是陰也冲和氣者為人謂之天地人三才

△按萬物不離三才五行而天特為尊在天地狀如雞卵天包地外地居天中猶驥也天體如碧瑠璃透映而七曜列宿層層運旋不休天動地靜也半覆地上半繞地外故二十八宿亦半見半隱天轉如車轂渾圓南北兩

昭和八年二月
原川ヨシ子
寄

九重天之圖



溫際 近于地之處
冷際 溫熱之中間也
熱際 近于天之處

自地心至九重天之高各以里程計之如圖見天經或問

極如樞軸而北極出地三十六度南極入地三十六度北高南低有黃赤二道其赤道者當兩極之中橫絡天腰乃中半之界也赤道之北為內郭南為外郭相去各二十四度又有兩黃道夏至日行北黃道冬至日行南黃道春秋二分日行赤道又詳于渾天儀之下地輿志云天體周圍三百六十五度四分度之一為百一度則四分度之一每一度二千九百三十二里七十一步二尺七寸四分周天積百七方九百十三里徑三十五方六千九百七十一里類經曰天徑三十五方七千里人一息之間天行八十里凡人晝夜息一萬三千五百息以八十里因之得百八万里是乃天周圍也

△按地球九方里乘十二則得百八方里然則天周大於地十二倍矣天有八重外一重如卵殼共為九重天圖于左

凡九重中最下為月天月天與地之間有溫冷熱之三際地水土之濕太陽蒸之為溫其上為冷又其上近於天為熱際而風雨霜雪雲霧雷電虹暈及流星彗孛等皆出於溫冷之間其溫際不過二十町許故登山嶽人聞雷於山腰但至三際以上則無雲霞而蒼蒼耳天經或問云西域有望遠鏡約百里之道無雲煙所隔則見人鬚眉喜笑大明萬曆年中此器入中華測天高下定星辰之度又有測算法測量器具知各其里數詳圖一毫不爽實非荒唐之言揣摩之見

△按天地高大也聖人未嘗究里數而天文者家流有寶鏡室器及算術始知其備然潛疑之凡自地心至某天為幾等者皆徑之半分也今試約為小分以論之以十万里為一寸地球周九分徑三分不足宗動夫徑百二十九丈四尺此云二百間然則天猶大池地如鼓蟲矣月天徑九寸六分半則如盆中見一豆耳夫陰陽相判

為天地者大小之異何為如此甚哉大抵蒹葭之皮肉與核鳥卵殼與白肉共是陰陽清濁可以考合乎地球九万里亦未審凡里程華倭有異當華之一里者其九万里乃可倭一万五千里徑四千七百四十余里復甚微小也地輿志及醫書所言天周百八万里徑七千里據此則猶茶盃中見豆凡大於地球十二双倍此說不甚遠乎然九重中作何天言之亦不詳

五雜俎云天有氣也猶人衛氣魚游水中不見水人在氣中不見氣惟於屋漏日光之中始見塵埃哀哀奔忙雖暗室之內若有疾風驅之者素問云天不足西北故西方陰也而人右耳目不如左明也地不滿東南故東南方陽也而人左手足不如右強也

△按天地皆圓滿無闕虧而所謂不足不滿者何乎蓋北極出地三十六度而北高日月光行道亦畧倚南故北地有夜國不見日月光以知天不足西北也南極入地三十六度而南低故南有墨瓦臘泥加國無人馬通路國以知地不滿東南



四方

東卯 南午
西酉 北子
四隅
艮 巽
坤 乾
申 亥

事物紀源云昔燧人氏仰觀斗極而定東西南北之方名△按所謂斗極者北斗與北極星也觀此二星則四方自知其五行東方木生南方火南火生坤土坤土生西方金西金生北方水北水生東木順行如此知坤為土本官但土交万物為中央以丑未辰戌為寓居故春夏秋冬亦於

丑未辰戌月有土用

○東動也陽動物屬木於支為卯日出時為万物發生春故東字从日在木中○南屬火於支為午日中時為万物任養夏○西屬金於支為酉日沒時為陰氣遷落物秋○北乖也屬水於支為子夜半時為万物終藏冬

東 月信
南 未本
西 未本
北 未本
艮 未本
巽 未本
坤 未本
乾 日

月信を先出する方なる物多しの打極
然るに於の南月信を先出する物多しの打極
月信を先出する方なる物多しの打極
然るに於の南月信を先出する物多しの打極
月信を先出する方なる物多しの打極
然るに於の南月信を先出する物多しの打極
月信を先出する方なる物多しの打極
然るに於の南月信を先出する物多しの打極

佛說二十三天

欲界

六天

四天王天 忉利天 須燄摩天
兜率陀天 樂變化天 他化自在天
此天人有睡眠飲食姪欲等之欲故名欲界

色界

十八天

梵眾天 梵輔天 大梵天 初禪
少光天 無量光天 光音天 二禪
少淨天 無量淨天 徧淨天 三禪
福生天 無熱天 善見天
無煩天 色究竟天 廣果天 無想天 四禪
善現天 此天人獨行無交有淨妙故名色界身相端嚴等是也

無色界

九天

空無邊處天 識無邊處天 無處有處
悲想非非想 不迴心鈍阿羅漢 受陰區宇
受陰盡天 想陰區宇 想陰盡天

△按錦繡万花谷載護命經注云欲界六天色界十八天

無色界

十四天

共為三十八天蓋此道經所言天而與

佛說其名目亦不同

三界記無福愛天無想天而有無雲天為三十二天

楞嚴經云凡須彌山頂有四峯每峯有八天共三十二

天帝釋居中而成三十三天

按如前圖天有八重而東西南北共三十二也北極紫

微宮有天皇大帝託之帝釋以為三十三天乎此等之

浮說者儒士及天文者家流不敢用但記其名目耳

天象總評

日者陽之精而雷電虹霓皆陽之屬也
月者陰之精而雨露霜雪皆陰之屬也

星宿風雲行乎陰陽之間者也

日月恒有而雷電雨露之屬不恒有者也

凡星體生於地而精成於天風雲皆從地起行於天者也故兼陰陽之氣也

論衡云風猶人之有吹噓也雨猶人之有精液也雷猶人之有腹鳴也日月猶人之有目星辰猶人之有髮故祭必以為有神

日乃火也故以陽燧火珠向日則得火為之真火

月乃水也故以陰燧水晶向日則得水為之明水

此陰陽水火自然理也乾文按柔隔水晶片向日則真火傳艾也別雖不用火珠可也

五雜俎云日出而葵藿頽月虛而魚腦減下之應上也虎交而月暈麟鬪而月蝕上之應下也潮之逐月桐之合閏上下交為應也

月暈而虎交蝕而麟鬪乎疑文句顛倒矣

廣博物志載老子歷藏中經云日月者天地之司徒司空

○日姓張名表字長史 ○月姓文名申字子光

通書正宗曰

○日姓孫名開字子真 ○月姓唐名末字天賢

大孔雀經曰

○蘇利耶此云日神 ○蘇摩此云月神

△按日月姓名所載于小說彼此有異同未知其據也不

堪取用耳本朝所尊信

天照皇大神陽德女神 月誦御食尊陰德男神



日音實

金鳥陽鳥

曜靈楚辭

鬱儀太洞經

淮南子云日者太陽之精人君象也出於暘谷浴咸池拂於扶桑謂之晨明至於昆吾謂之正中薄於虞淵謂之黃昏


△按天地圓滿而日月運旋源更無所停其出入也無定官城所謂暘谷咸池等之名者從人觀處推量稱之耳

日光曰景音 日景曰晷音 日始出曰旭音 日在午曰亭午音 在末曰昃音 日晚曰昏音 又曰暮 日西落日反照 反照於東景在上曰反景 在下曰倒景 日入色曰暝音 日上曰昇音 日光照水曰

晷音

日赤無光失色國不昌 日晝昏烏鳥群鳴國失政 日中烏見主不明亂國 日中有黑子黑氣音 臣廢主 按有金烏陽鳥多而謂有見日中烏則似實有之者蓋太陽火中暗有黑氣如烏者而已何能得見之半備

矢 從地上至天中 百四十六里
弦 從地上至東或西之半弦十七万令百八十四里



天徑二千四百五千五百五十六里 地徑二千八百四十四百六十三里
論日遠近 半弦與矢差九一万二千六百三十八里 此程日中方近也

列子曰有小兒論日出入方與正中之遠近一曰日出時形色明大至正中時形色淺小故以出入方為近也一曰日出時冷至正中時熱故以出入方為遠而論未果
△按廣博物志亦有此辨而未備蓋天地猶大圓中有小圓也人居地頂則正上與橫之遠近如圖以弧矢弦筭法考之正上稍近必焉又出入時形色明大者含地水陰氣也假令若入錢一文於孟而人一二步退坐視之其錢不見仍盛水於孟則錢見焉此不錢浮而得水氣也將雨時望山稍大近於常亦同理也

和漢三才圖會

天文

日月廣大辨

天經或問曰地周九方里而日大於地百六十五倍八之
三地大於月三十八倍三之一然則日大於月六千五百
三十八倍又五之一也蓋月天近於地日天杳遠凡人目
所睹近者雖小亦大遠者雖大亦小也據此計量之則
地周九方里 日周千四百九十二方四千七百餘里

月周二千三百五十餘里

△按右里數以譬言之射方埋地如大豆粒而月如御米

子日猶傘其徑四尺

今傘蔽照大豆雖杳遠何有所隱乎然北地有夜國不
見日光處則難信用凡火遠望之皆圓也日光本婆婆
炎不可測灼灼熱不可近以望遠鏡雖觀之其際限以
里數者憶見耳張衡靈憲曰日月徑當天周七百三十
六分之一天周百八方里除七百三十三里此亦未精月大小



月

音 關

玉兔 玉蟾

瑤璘 本洞經

和訓豆岐

毛氏云月字
上關中二畫
連左不連右

釋名云月闕也月滿則缺也徐氏云陰不可抗陽臣不可
敵君故於文闕者為月以其闕之時多也

月輪郭無光處曰魄 死魄朔也生魄望也 月死為

灰灰則晦也 月死復蘇生為朔朔則蘇也 月半形

若張弓弦者為弦 上弦下弦 月滿而日月相望者為

望 晦而月見西方謂之朏 朔而月見東方謂之朏

登壇必究云月者陰之精其形圓其質清日光照之則見

其光日光所不照則謂之魄故望乃日月相望人居其間

盡觀其明故形圓也二弦乃日照其側人觀其傍故半明

半魄也晦朔乃日照其表人在其裏故不見也

月行有遲疾其極遲則日行十二度強其極疾則日行十四度半強其遲極漸疾疾極漸遲二十七日半強而遲疾一終矣
月行之道斜帶黃道十三日有奇在黃道表十三日有奇在黃道裏表裏極遠者去黃道六度二十七日有奇而陰陽一終矣


月桂

本草綱目云月桂辛溫治小兒月蝕瘡
時珍曰吳剛伐月桂之說起于隋唐小說月桂落子之說起于武后之時唐書云鍾馗有月桂子降于台州宋仁宗帝軼煙柳杭州靈隱寺月桂子降如雨拾以進呈寺僧種之得二十五株據此則月中真若有樹矣竊謂月乃陰魄其中婆娑者山河影爾月既無桂則空中所墜者何物耶泛觀群史有雨塵沙土石雨金鉛錢汞雨絮帛穀粟

雨草木花藥雨毛血魚肉之類甚衆則桂子之雨亦妖怪所致非月中有桂也

五雜組云諸書所謂日中有鳥又有羲和馭車月中有兔又有蟾蜍有桂有吳剛姮娥瑤璘又有廣寒宮殿瓊樓金闕及八方三千脩月戶何月中之淆雜而人又何能一一見之也此本不必辨宋儒辯之已腐爛而以爲大地山河影者又以五十步笑百步也古今詩文沿襲相用若以爲實者
世說云徐穉九歲或人曰月中無物當益明徐曰如人眼中自有瞳無此必不明
△按日猶如火火則中暗不見文
中明見文
物也所謂眼中如瞳者是也凡破鏡亦影全然上弦以前下弦以後月則無物此非山河影之證也又月中桂

者愈妄誕也桂規行香中華南方多有之本邦希有之故日本未聞桂子降也風雲誘引之降下而已或有以望遠鏡見月形者曰月全不圓其周而有研闕而如斑雪之紋婆娑



朏

音 斐

みろつき

哉生明

若月 万葉集

美加豆岐

前月大則初二日明始生前月小則三日明始生謂之哉生明哉始也

候籍錄云月如懸弓少雨多風月如偃瓦不求自下
△按和漢同有此俗說而甚非也月者大陰水之精其質如水精硝子樣玲瓏本自雖有光而以陰光不能照曜借陽光則生明故當於日處限生明然日月行道不同

凡三日月相去四十度許斜向借日光故如日入乾月在庚則其月形如懸弓或如鎌也日與月同方則如偃瓦或如船此常理也以爲風雨之兆者不可


於此處

本の言ふる地移るるはさしづきの氣なる

恒月 詩經

弦月

和名由美波利




東 西

ヒシ ヌヒ

上弦圖

下弦則反之

釋名云弦者月半之名也其形一旁曲一旁直若張弓弦初七八日謂之上弦二十二三日謂之下弦日照其側人觀其旁故半明半魄
或云上弦以後下弦以前不宜伐竹木爲材易蠹以生氣在中也



望

音安

望 同字

和名毛知豆岐

生魄 十六夜

和名以左與以

既生魄 十七夜


和名大知未知

周禮注云月大則十六日望月小則十五日望
書經注云月望後明死而魄生故十六日為生魄十七日
為既生魄魄者月輪郭無光之處也

△按十八日俗曰居待月十九日俗曰寢待月
月滿與日相望如臣之朝君俗曰望

秋の月氣はさかぬら月のさかり満の言中更なり
秋風さかしく雲を巻くて舒るるは月夜
我心を舒けしむるのこころさかしく月夜
さかしく舒けしむるのこころさかしく月夜
指さし舒けしむるのこころさかしく月夜

大陰出沒



通書正宗云初三庚兮初八丁十三乾上月華臨十八巽
宮念三艮念八坤兮五日輪

△按每朏至七日太陰見庚方上弦至十二日在丁方十
三至十七日在乾方十八至廿二日在巽方下弦至廿
七日在艮方廿八至初三在坤方其間皆五日

月行九道


黃道 一ツ之出黃道 黑道 二ツ同上 赤道 二ツ之出黃道

白道 二ツ之出黃道 青道 二ツ之出黃道

立春春分從靑道 立秋秋分白道 立冬冬至從黑道

圖之道九月


立夏夏至赤從道 青赤者出陽道白黑者出陰道




和名波惠

日蝕

朔二日三日
限此三箇日
日月虧日蝕稍
小徒虧如蟲食
草木之葉也



日天高月天低而常異其行道至每朔則日月同經緯而相值則月在下而隔掩日光故日失光相離則復元日蝕入陰曆則初虧西北甚於正北復於東北入陽曆則初虧西南甚正南復於東南
如月蝕陰侵陽臣掩君之象或大如日蝕見星有殺君天下分裂




月蝕

月蝕雖有卯辰時屬之前日

十四十五十六
限此三箇日

和漢三才圖會
天文
卷十二


月蝕者至月望則日月正對如一線日在地下地球障隔日光不能照之故月失其光漸出地影之外則日能照之復元月蝕入陰曆則初虧東南甚於正南復於西南入陽曆初虧東北甚於正北復於西北



陽曆陰曆

やまきりあき

日蝕南陽曆北陰曆 月蝕北陽曆南陰曆




帶蝕

たいちやく 有日月出入時 謂之帶蝕

日帶蝕將復在東漸虧在西 又有正交中交相交等數品 月帶蝕將復在西漸虧在東 凡月蝕分天下皆同而日蝕分隨東西南北地有異故 有不全見蝕地 如日蝕有陽曆則日北月南故南方人所睹直而蝕分 多北方人所睹畧齟齬而蝕分少或無之故年中月蝕 多有而日蝕少

△按日行不出二黃道外其間四十七度太 中間為赤道 春秋二分道 冬至行南黃道漸北經十日過二度六分余 恒以秋夏至行北黃道 月行有九道視圖有出於黃道外六度 許而有遲速故與日常異道 朔初二相會時偶中于同 緯時月在日正下蔽也人在其下觀之故日光暫昏為 之日蝕相離則隨日光見謂之復 月望前後十四十五與日相對日在地下月在天偶中 同緯時地所障而月失光為之月蝕相離則月光見謂

之復皆因曆筭考知未來蝕分而分釐不差然浮屠氏以為帝釋與脩羅之戰或為日月之病惱者共可笑



星

性音

倉頡古文
和名保之
按象形也今
作星从日生
声然謂星生
於日故者非

廣博物志云常星猶公卿衆星猶萬民

登壇必究云凡星居之曰次或云舍同舍曰合變為妖星
經之曰歷相擊曰鬪早出曰贏晚出曰縮又失次上二三
宿曰贏失次下二宿曰縮在下而上曰陵在上而下曰乘
周匝曰繞東西曰鈞南北曰紀星月相陵曰食七寸以內
光芒相及曰犯居其宿曰守守之而又曰復曰還
一等 大星數十七 五帝座織女之類 見于天
二等 五十七 帝星開陽之類

三等 八十五

太子少衛之類

四等

三百八十九

上將柱史之類

五等

三百二十三

上相虎賁之類

六等

二百九十五

天皇后宮之類

都合千百六十六星 微星一萬千五百二十

又天漢中之小星接聚一帶如白練而不能以數名

諸星有以一星為一座者有以二三十星為一座者有相
比而不附者鉞不附井耳不附畢棟不附箕長沙不附軫
鈞鈴閉鍵不附房則以屬吏自為宮也矢以附弧以不
附杵孤矢二人司之野雞不附軍井雞自守其所司也
万寶全書曰星光閃爍不定次日主風夏夜星密主大
熱明星照爛地次日雨不住

△按星雖亞日月本是少陽精自有所司定位而古今無
變換明晦增減之理偶見其變異者其地之性知也若
將風雨則閃爍動皆地氣感冒然非星動也氣躍也故

星搖之下當有濕露百里之外則不動不躍矣

星之大小

上等大於地六十八倍 次等大於地二十八倍

三等大於地十一倍 四等大於地四倍半

五等同于地而稍大 六等得地躡三分之一

六等之外更有微渺難見者則匪目所能測經軒既

大星圍七百里 中星四百八十里 小星廿里法苑珠林

大星徑百里 中星五十里 小星卅里長曆

△按三說莫大之異而不知何乎是也凡列宿天在於諸天之上甚高遠故所視于地至小也雖常理而地之數十倍大亦不無疑

星隕成石

大明萬曆子歲十二月廿五日 四川順慶府無風無雲

雷忽震動墜石六塊重八斤或針五斤或針七斤

高麗文宗王正月宋嘉祐二年黃列隕石聲如雷列上其石

禮司奏曰昔秦有星墜晉唐以降比比有之此常事也

不關災祥今以為異者妄也遂還其石東國通鑑

五雜俎云星之墜地為石不過尺寸許耳豈遽縮至是又

古今名世公卿皆上應列宿諸葛武侯祖逖馬燧武元衡

之屬皆將卒而星殞然自古及今星殞不知其幾而懸象

在天者不覺其稀少也豈既殞之後還復生長如人耶

△按星隕如雨者本此非星而人目以為星耳又有隕石

人以為星隕成石者甚妄也蓋少陽之精在天為星在

地為石以同氣附會謂乎將隕石形勢似星故謂乎和

漢惑之者不少史本

星名如箕牛畢弧矢杵白天船華蓋之類者以象形稱之其外嘗難解者多而不知誰人始命其號耶又如

趙周楚魏晉以中華國號如造父奚仲王良傳說以中華古人名也不知其據抑星為人乎人為星乎萬國同一天豈關中華一國事耶
 或書曰孝靈天皇三十六年正月倭迹日襲姬命無夫而奶遂生奇兒胞袋不破如玉中有男清通欲破胞而不破其夜飛昇天成星今在銀河袋星是也云云不實錄故不足取所謂袋星者何星乎若天津天籥之類是乎

土曜

鎮星

生於申壯於戌死於寅

登壇必究云鎮星女主之象也常以甲辰元始見斗之歲鎮星行一宿二十八歲而周天天經或問為三十二年一周天

八編類纂云主辰戌丑未及中
 央土執矩治四季七十二日也

木曜

歲星

旁有二小星而如附耳
 生於亥壯於卯死於未

登壇必究云歲星人主之象也太歲在四仲則歲星行三宿太歲在四孟四季則歲星行二宿十二歲而行二十八宿一周天四孟者正四也計地四仲者二也

八編類纂云主寅卯東方木執矩治春月七十二日

火曜

熒惑

生於寅壯於午死於戌

八編類纂云主巳午南方火執衡治夏月七十二日

登壇必究云熒惑方伯之象也常以十月入太微宮受制而出行列宿司無道出入無常六十一日有餘過一宮七

百四十日而一周天夏至夜半中於箕斗之交六月昏出於牛女之交



八編類纂云主申酉西方金執矩治秋月七十二日

太白

金曜

太白

啓明曉明星長庚宵明星和名由不豆々

生於巳壯於酉死於丑

登壇必究云太白天將之象也常以正月甲寅與熒惑晨出東方二百四十日而入四十日又出西方二百四十日而入三十五日而復出東方也出以寅戌入以丑未其行也前於日後於日不過四十八度晨先日出東謂之啓明夕後日入西謂之長庚以辰申為界辰見未見也
△按太白俗云明星也詩小雅曰西有長庚者是也
五雜組云太白者兵星也太白竟天則兵戈大起

辰星

水曜

辰星

生於申壯於子死於辰



八編類纂云主亥子北方水執權治冬月七十二日

登壇必究云辰星宰相之祥也常以二月春分見奎角五月夏至見東井八月秋分見角九十一月冬至見牽牛出以辰戌入以丑未二旬而入晨候之東方夕候之西方常隨太陽而行然或前或後不出三十度之外亦一月一宮一歲一周天
△按所謂春分見奎角之角字當作婁又授持曆云辰星前於日後於日不過二十二度

五星經天則凶

出於圖書編

熒惑經天其國大饑人相食

熒惑經天有兵火

鎮星經天其國大旱城云有辰星經天其國大水
太白經天有急兵以兵云國經天者晝見於午上也

五星總評

五星者為五德之主其行或入黃道裏或出黃道表猶月
出有陰陽也然出入無常不可以算勝末也其東行日順
西行日逆順疾逆遲通而牽之終為東行矣不東行不西
行日留與日相近不見日伏與日同度日合
五星行四方列宿各有所好惡所居遇其好者則留多
行遲見早遇其惡者則留少行速見遲與常數並差少
至五度多至三十度許
諸辰星之行見伏之異晨應見在雨水後立夏前夕應
見在處暑後霜降前並不見驚蟄立夏立秋霜降四氣
之內晨夕去日前後三十六度內十八度外
月行遇木火土金四星向之則速背之則遲

晉天文志云凡五星之精降於地為人歲星為貴臣


熒惑為兒童能歌謔鎮星為老人及婦女太白為壯

夫處於辰星為婦人

宋史云永安二年有稚子群戲一小兒忽來曰我非人熒

惑星也言說上飛

△按聖皇本紀云九年帝有土師連八島唱歌絕世夜有
人來相和爭歌音聲非常八島異之追尋到住吉濱天
曉入海鳥太子聽之曰是熒惑星也此星降化為人遊
童子間好作謠歌歌未然事據晉書而蓋五星即五行
之精輔佐于日月為天政豈有化人為魘魅之業耶




九曜

- 土 鎮星 木 歲星
- 火 熒惑 金 太白
- 水 辰星 日 太陽
- 月 太陰

羅喉 計都

廣傳物志云羅計二星人多忌之考歷代天文志實無此星也不知此說倣自何時而宋彙海錄有之則其說久矣
 △按日月與五星稱之七政更加羅計以爲九曜陰陽者家流每用之配人五性以每年所屬星告吉凶特值羅計火三星則爲凶
 鎌倉將軍賴經公令佛工康定造藥師及羅計二星像羅喉星面貌見忿怒相乘青牛兩手捧日月計都星有忿怒強盛相乘青龍兩手捧日月此據何始模之乎七政尚不可有像况羅計乎
 天經或問云羅計即白道之中點月道自南迤北以交於黃道之一點曰羅此點有本行每日左旋三分有奇而與羅正對之點曰計所謂龍首龍尾內道口外道口是也共此名耳而無實物

太微垣之圖



和漢三才圖會

天官

十九

太微垣十星在翼軫之北天子之宮庭五帝之座十二諸侯之府也

左執法一星南蕃中二星之東星也廷尉之象也執法者所以奉刺凶奸入去極宿八十二度其東曰左掖門

右執法一星在左執法之西御史大夫之象也去極八十二度其西曰右掖門

東蕃四星南一曰上相北極二曰次相北極三曰次將北極四曰上將北極共是四輔也

西蕃四星南一曰上將北極二曰次將北極三曰次相北極四曰上相北極是亦四輔也

東蕃西蕃星有及及動搖者諸侯謀天子也執法移則刑罰尤急

謁者一星在太微宮內右執法東北主贊賓客不見則外國不賓服入去極宿八十二度

三公二星在謁者之東北內坐朝會之所居也距東星去極八十四度

九鄉二星在三公之北主治萬事距西北星去極七十度

五諸侯五星在九鄉之西距西星去極七十度

內屏四星在端門內帝座之南近右執法所以擁蔽帝庭也星明潤則君臣有禮距西星去極八十度

五帝座五星在太微中舍樞紐之神也天子動則得天度止則得地意從容中道則五帝座明以光如黃帝坐不明則人主奪勢五星共小青黑則天子國亡

東方星鵠蒼龍之神也南方星為赤帝之神也西方星為白帝之神也北方星紀為黑帝之神也中央黃帝去極七十一度

幸臣一星在帝座之東北主親愛臣明則幸臣用事微細則吉去極六十五度

太子一星在幸臣之西五帝座之北儲貳之星明潤則太子矣不然則否金火守入之太子不慶為篡逆事去極六十六度

和漢三才圖會 卷之二十一 天官 二十

從官 一星在太子之西北主從官不見則帝不安如常則

吉 去極六十四度半

郎將 一星在郎位之西北所以為武衛今將是也大明

角則將恐不可當

虎賁 一星在太微西蕃之外上將之西下台之南靜室旄

頭之騎官也主待從之武臣去極六十二度少

常陳 七星如畢星狀在郎位之北天子宿衛虎賁之士以

設強毅也星搖動則天子自出明則武兵用微則武兵

弱與陳星去極五十一度

郎位 二十五星或在帝座東北一名依鳥郎位

周官之元士漢官之光祿中散騎諫議今之尚書郎也

欲其大小相均光潤有常吉其星不具則后妃死幸臣

誅客星入之太臣為亂距西南翼宿十八度

明堂 三星在太微西南角外天子布政之官也明則吉暗

則凶

靈台 三星在明堂之西主觀雲物察符瑞候災變也

少微 四星長垣四星共詳于張宿之下

三台 各二星兩兩居起文昌列招搖主開德宣府

上台 西近于為司命主壽又號上階上星為天子

中台 輶軒為司中主宗室又號中階上星為諸侯三公

下台 輶軒為司祿主兵又號下階上星為庶人

所以和陰陽理萬物也其星有變則各以所主占之君


臣和集則如其常度

右五帝居太微官而入觀紫微官故此有內座也五帝在

天主五行在地主五嶽分方主事以輔天皇者也禮月令

云明堂所以分五官祀五帝者是也

天市垣之圖



天市垣兩扇如垣墻二對在尾宿東北主權衡主聚眾主
 斬戮之事也星衆潤澤則歲安星稀則歲虛若怒角守
 之則臣弑主慧星守入之為徙市易都客星入之兵大
 起又云天市明則市利急商人無利急暗則凶
 東垣星十一南第一宋二南海三燕四東海五徐六吳越
 七齊八中山九河十趙十一魏度半入尾宿七度八
 西垣星十一南第一韓二楚三梁四巴五蜀六秦七周八
 鄭九晉十河間十一河中度半入心宿五度一
 市樓六星在天市垣中臨箕星之上主司閭闔明則吉暗
 則市利不理也主市價律度其陽為金錢其陰為珠玉
 變見則各以所主占之八度東南星去極九十
 車肆二星在天市南門之內主車駕不明則國車盡行又
 主衆賈之區度距西大星去極百
 宗正二星在帝座東南宗大夫也尊皇守之若失色則宗
 正有事客星守動則天子親屬有變貴人死明則宗室

如漢三才圖會

天文

三十一

有秩暗則國家凶距北星去極八十五度

宗人四星在宗正東主錄親疎享祀如綺而明則正族人

有序距大星去極八十度

宗星二星在宗人東北候星之東宗室之象帝輔血脉之

臣也客星守之宗人不和

帛度二星在宗室星之東北主度量明則尺量平商人欺

暗則否距西星去極六十度

屠肆二星在帛度東北主烹宰明大則肆中多宰殺距西星去

候一星在帝座東北

主伺陰陽也明大則輔臣強西夷開

候細微則國安亡則主失位移則主不安居常則吉本

是后星也誤為候其西南有妃三星今失其位不知也

去極七十八度半

帝座一星在天市垣中候星之西天庭也光潤則天子吉

威令行微細則凶大人當之不見則大人當其咎

去極七十五度

宦者四星在帝座之西南帝傍之闈人也星微則吉明則

凶非常宦者有憂距南星去極七十六度

列肆二星在斛之西北主寶王之貨移徙則列肆不安火

守入之兵起距東星去極八十六度

斗五星在宦者之西南主平量覆則歲熟仰則大飢明與

暗之占與帛度同距東大星去極七十度

斛四星在市樓之北其占與斗同距西南星去極八十八度

貫索九星在七公之前有連索連管主法律暴強也口一

星為門欲其開也九星皆明則天下獄煩七星見則有

小赦五星見則有大赦動則斧鑕用

常以子午夜候之一星不見則有小喜二星不見則賜

祿三星不見則人主得令行赦若客星出而大則有大

赦小則有小赦或云天牢一星有區有喜事二星有區

賜爵祿三星有區有赦開閉牢中多死水星犯之有災

火星犯之，朱貴蓋貫索，賤人宰也。紫微宮亦其占，與此同。
 七公七星在招搖之東，天之相也。三公之象，橫列貫索之
 口，其星齊正，則國法平，差戾則獄多，冤酷也。星入河，朱
 貴，火星犯之，兵起。

天紀九星有貫索之東，九鄉也，為九河主，萬事之紀，理寬
 訟也。明則天下多詞訟，亡則正理壞，國紀亂，散絕則地
 震山崩。

女牀三星在天紀之北，為後宮御女主，女事明則官人恣
 意，常則無咎。


帝座

紫微宮北辰天，皇木帝之
 所居，當星宿之北。
 大微宮當星宿之，東南有帝座
 心星昂二十八舍之中，星是也。

天市垣躡尾宿之北，紫微
 大角宮之正東，有大星

有五處之帝座，而以北辰為天皇。

北極紫微垣之圖



王辰閣道見于春初
 造父見于危南上

北極 五星 在四輔星而居紫微宮正中詳于後

天乙 一星 在紫微宮門右星之南天帝之神也主戰陣知

人吉凶者也去極二十度半

太乙 一星 在天乙南亦天帝神也主使十六神知風雨水

早兵革飢饉疾疫災害所生之國也明而有光則陰陽

和合萬物成人主吉不然反是去極二十一度

紫微宮垣 十五星 在北斗之北軒藩八紫微宮大帝之座也

主命主度也又名長垣又各天管其星直則天子出自將宮中兵

東蕃 一左樞 二上宰 三少宰 四上輔 五少輔 六上衛 七

少衛 八少丞 其左樞去極二十一度上輔 四少輔 五上衛 六少衛 七

西蕃 一右樞 二少尉 三上輔 四少輔 五上衛 六少衛 七

少丞 其右樞去極二十一度東蕃共曲如弓皆明大有常則吉若盛則內輔盛

也直而明則天子將兵開則兵起細蕃開如門陰德 二星 在紫微宮內尚書之西主施德以不明為吉不

明則新君踐極距大樞去極二十一度

尚書 五星 在門內東南主納言其占與四輔不殊距西輔

柱下史 一星 在北極東主左右糾君之過星去極星明則史直辭

不明則反是去極十一度女史 一星 在柱下史北婦官也主記宴中之事其占與柱

下史同去極十七度半御女 四星 在紫微宮內勾陳之北御八十一御妻之象

也明則多內寵不明則否距西輔去極十一度天柱 五星 在紫微宮門內華蓋柱左旁近東垣北隅法五

行主晦朔晝夜之職明正則吉人安陰陽調不然則司

歷過又云建政教立圖法之府也常以朔望日垂禁令

於天柱以示百司距東輔去極十三度天理 二星 在紫微宮門內次近陰德決獄之官星明則刑

憲平不明則冤酷深距東輔去極二十五度


勾陳 六星在紫微宮內華蓋之下大帝之正妃也後宮也
 亦將軍之象也星明則吉暗則人主惡之去極六度半
 天皇 一星大帝也其神名主萬機在勾陳之口其星如不見則為災室宿十度半入
 六甲 六星在紫微宮內華蓋左旁分掌陰陽紀時節明則陰陽和不明則寒暑易節離南宿四極十五
 五帝內坐 五星在華蓋下勾陳上斧辰之象所以備宸居者明正則吉變動則災凶離中六星宿六極十二
 華蓋 七星杠九星在勾陳上正當大帝所以覆蔽大帝之坐也明正則吉傾動則凶離中六星宿四極二十
 傳舍 九星在華蓋上近河賓客之館主胡人入中國客星守之備姦使離西宿四度宿去極二十
 △按傳舍星主胡人入中國之文強不可拘中華一國在此星鴻臚館之象而於日本則異國來聘等可准之內階六星在文昌之北天皇之陛也明則吉傾動則凶也

距西輔醒去極六度二十
 天廚 六星在紫微宮東垣之外天子百官之厨也見則吉其占與梗河相類離六星宿二十度
 天棓 五星在女牀東北天子先驅所以禦難也不明則國兵起又云主爭訟明大則凶小則吉
 △按女牀當作天牀也女牀者天市垣之屬星也
 天牀 六星在閭闔門外主天子寢舍解息燕休之處星正大則吉君有慶頌則人主不安離西宿二十度
 內厨 二星在紫微垣外西南角主六宮之內飲食府也常大則無咎他星有犯守則凶離南宿十度
 文昌 六星在北斗魁前天之六府也主集計天道
 一、建建將軍 二、左左尚書 三、貴貴相 常
 四、翊翊將軍 五、命命相 六、伺伺理 太
 所謂一者在北斗魁前近內階者也明潤大小齊則天瑞臻黃潤光明則萬人安青黑細微則多所害搖動移

口卷三十圖會

徙則大臣憂金火守入則兵起字犯則國亂又云如動
 則三公受誅后崩躔躔南極躔極躔二十四
 三公三星在二處北北斗北斗躔並躔為躔太躔尉躔司空躔司徒躔之象躔主
 變理陰陽弼君札勢其星移徙則不吉居常則安金火
 守之則三公有凶躔躔煉躔星躔解躔極躔六躔度躔五
 太尊一星在中台之北貴戚也聖公之象居常則安不見
 則凶金星犯守則為災貴賤將敗者也
 天牢六星在北斗魁下貴人之牢也主愆過禁暴淫此與
 天市垣之貫索占同躔躔西躔北躔星躔張躔宿躔六躔度
 太陽守一星在天相之西大將大臣之象也主戒不虞設
 武備也非其常則兵起明則吉暗則凶移徙則大臣誅
 勢四星在太陽守之西北不明吉明則闔官檀檀權檀怯檀極檀度
 入躔躔宿
 天相一星在北斗之南總領百官而掌邦教以佐帝王安
 邦明則吉去去極去三去度
 入躔躔宿入躔躔四入躔躔度

元戈一星在招搖之北天始區區角區大區而區動區則區四區夷區兵區起
 天理四星在北斗之魁中黑星為貴人之牢也明及搖動
 則貴人下獄躔躔煉躔補躔巽躔宿躔極躔二十
 三師三星在北斗之魁西躔躔西躔張躔宿躔初躔度躔廿一
 北斗七星 北極五星共見于後




北極

北辰 天極
 俗謂之北斗者非也

北極五星在紫微宮中而其紐星者天之樞也
 朱子語錄云北辰乃天之北極也天如水車北辰乃軸
 之處水車動而軸未嘗動孔子曰譬如北辰居其所而
 衆星拱之者是也
 第二星為太一座昂帝王也最赤明者也明大則吉變動

則憂第一星為太子去極宿五度
 四輔星 抱北辰四細星也所以輔佐北極而出度受政也
 也小而明則吉明及角則臣逼君暗則官不理去極各



北斗
 第一至四
 名魁 璇璣
 五至七
 名杓 玉衡

北斗七星在紫微宮西垣外太微宮之北七政之樞机陰陽之本元也故運乎天中而臨制四方以建四時而均五行也

- 一曰樞 天正星主陽德天子之象去極宿十三度
- 二曰璇 地法星主陰刑女主之位
- 三曰璣 人令星主祿害
- 四曰權 時伐星主天理伐無道

五曰玉衡 殺星主中央四方
 六曰開陽 律危星主天食五穀
 七曰搖光 星部星主兵一名應星去極宿二十五度

輔一星附乎開陽所以佐斗成功丞相之象去極宿三十度
 北斗七星共明則國昌不明則國殃斗旁欲多星則國安斗中少星人恐天下多訟星少二十以上人民有訟輔星明而斗不明則臣強君弱斗明而輔不明則君強臣弱輔星若明大與斗合則國兵暴起

廣博物志云北斗七星其間相去九千里其二陰星不見者相去八千里也共是九星運乎天中而臨制四方以建四時其二陰星者洞明星輔星之 隱元星弼星之

△按北斗俗云第七搖光為破軍之劍鋒而諍論勝負對座人逆向之則百事為不利好事者動則考欲不向于劍鋒也常順旋故劍鋒時替以可知時刻及月建以每時劍鋒所指方知月建昂氣令所旺也如正月黃

昏則指寅二月昏則指卯正月為寅月謂之月建
 往昔唐虞時代如此矣而以來天旋歲周之無盡相積
 久而有差今正月昏則指子丑之交二月昏則指丑寅
 之交大抵正月為丑二月為寅可也
 捷法每月數加四計於其時假如正月酉時則正月一
 數加四共得五却從酉五數當丑方是也余亦倣此
 方寶全書曰北斗魁星之間有黑潤色雲在畔則當夜有
 雨如北斗前有黃氣者明日有風若潤則當夜必大雨如
 有黑黃白潤色之雲長三丈餘遍遶北斗而不散者三日
 必雨如無雨人少安和
 如有雲氣蔽北斗者蒼色大雨黑色多風黃白色明日必
 大熱有白雲遮映北斗杓之間主三日內有大風飄塵之
 象

六日開明...
 五日王...
 象...

和漢二才圖會卷第二目錄

天文

二十八宿度分方位

昏曉夜中星之圖

角かく房ぼう箕き女にょ室しつ

亢かう心しん斗と虛きょ壁へき

氐ひ尾び牛ぎう危き奎けい

和漢二才圖會

卷第二

天文

二十八宿

度分方位

婁 畢 井 星 軫

以上二十八宿

胃 觜 鬼 張

昂 參 柳 翼

天河

河漢南北圖

河鼓

織女

天文

和漢三才圖會卷第二

攝陽 城盤法橋寺島良安 尚順編

天文


二十八宿

東	七宿	三十二星	南	七宿	六十四星
西	七宿	五十一星	北	七宿	三十五星


以上百八十二星

△按天圓形而二十八宿布列於天緯故人訝所以配四方
 造渾天儀諸星圖範其器北高南低者乃常也更試以北極為上以南極為下
 置之而令北辰五星向星宿方則南方備而二十八宿逆行
 東西南北之象具焉釋氏稱之須彌山以北極紫微宮為帝釋天也矣

圖之位方分度宿八十二



圖之星中夜曉昏




上昏之中星
中夜半中星
下曉之中星

皇朝三才圖會卷之三十三

未昏曉夜半之中星法

元祿冬至日纏黃道箕宿二度以為法而半天百八十二度六十二分半則下參宿八度六十七分是冬至夜半之中星也一時運行三十度令四十三分七則下井宿二十八度是丑時中星也歷九十一度三十一分下翼十六度五十三分則是曉卯時中星也退九十一度三十一分下室十五度八十一分則昏酉時中星也又周天三百六十五度四分度之一除二十四氣則得十五度二十二分弱從冬至夜半參宿八度六十七分算十五度二十二分則下井宿十二度七十八分是小寒夜半中星也余准之

二十八宿



角


十二度七十分

周天三百六十五度之內角宿所主如此之以下做此

角二星東方第一之宿南北正直主造化萬物布君之威信謂之天關黃道經其中七曜所行也明則太平芒動則國不寧角距南星去北極九十七度半平道二星黑而有角間為天子八達之衢明正則吉東星去極九十一度

天田二星黑有角之上主天子畿內封疆金守之主兵火守之主旱水守之主潦距西星去極八十二度半天門二星黑有角之南主天之門為朝聘待客之所明則四方歸化不見則兵起距西星去極一百四十四度進賢一星有平道西太微宮東明則賢者在位暗則在野

周髀三星在攝提西國之神器也不見或移徙則運祚不寧距東北星去極六十四度半入角宿七度半庫樓十星其六大星為庫南四星為樓在角南天庫名兵車之府也旁十五星三三而聚者柱也中央四小星衡也主陳兵其占日庫中星不見兵四合無星則下臣謀上明而動搖則兵出四方盡不見則國無君距西北星去極百三十三度入軫十南門二星在庫樓南天之外門也主守兵明則遠方入貢距西星去極百三十七度入軫十一度暗則夷狄叛客星守之主兵至



九四星恰似彎弓狀日月中道主天下之禮法總攝天下

九がう 九度四十二分

奏事聽訟理獄又主疾疫星明則四海歸化臣納忠人無疾疫移動則多病不見則旱澇作矣距南第二星去極九十六度


攝提六星直斗柄之南主建時節伺機祥攝提為盾以來擁帝座也主九卿明大三公恣橫客星入之聖人受制其右距北星去極六十七度入九一曰大臣之象也其左距南星去極七十七度半

大角一星在攝提間天主坐也又為天子梁棟金守之則兵起去極六十六度

折威七黑星在九南主斬殺金火守之夷狄犯邊將有棄市者距西第三大星去極

頓頰二星在折威東南主考囚察情偽也距東南去極百四度

陽門二星在庫樓東北主邊塞險阻之地客星出陽門夷狄犯邊境距西星去極百十度



氐 十六度十五分

氐四星狀似斗側量米為五星日月中道為天子之路寢明則大臣妃后奉君不失節如不見或移動則臣將謀內禍亂生矣一日氐為后妃之府前二星嫡也後二星妾也將有滯役之事氐先動也距西南星去極百四度半天乳一星在氐北主甘露明則潤澤甘露降去極九十二招搖一星在梗河北次北斗柄端主胡兵芒角變色搖動則兵革大起入極五十一度梗河三星在大角北天子備不虞其色變動有哀喪距大極五十九度帝席三星在大角西北其星不見大人逃也距東星去極六十七度半

入氐宿 一星 為舟楫主迎送移徙則凶此大星去極七度半 騎官 七星 在氐南天子騎士之象星眾則安不見兵起西距北星去極百二十度 車騎 三星 在氐西騎官之士都車馬之將也金火犯為災距東南星去極百四度 天輻 二星 在房西主駕駕客星來守之則輦轂有憂也騎陳將軍 一星 在騎官東南主騎將也搖動則騎將出

西咸 鑊閉 鈎鈴 房宿 從官

房 五度四十一分


丁名天廐 丁名天駟 又名天馬

房四星直下為明堂天子布政之官亦四輔也南二星為君位北二星為大人位中間為天衢也天關黃道南間曰

如漢三才圖會 卷之二十一 房宿

陽環陽道其南曰太陽北間曰陰間陰道名其北曰太陰凡
 七曜由平天衢則天下平和由陽道則主早喪由陰道則
 主水兵又曰房星主車駕南星曰左驂次日曰左服次日曰右
 服次日曰右驂又主開閉為蓄藏之所由也凡房星明則王
 者明也驂星大則兵起日月食主昏亂權臣橫彗孛犯之
 兵起為陰五星犯之為水為陽五星犯之為旱距南
 第二星去極百十四度半
 鈞鈴二小星有房北傍房鈴王者孝則明也鈞鈴近房天
 下同心遠則天下不和去極百九度半
 鍵開一星斜向房上天之管籥主閉藏入房四度
 東咸西咸各四星在房之北日月五星之道也為房之戶
 所以防淫佚也明則吉暗則凶日月五星犯守之有陰
 謀火守之兵起距西南星去極百
 罰三星在東咸正西而南北立主受金贖罪正而列則法
 令太平曲而斜則刑罰不中距南星去極百八
 度入心一度半


日一星在房之西氏之東太陽之精為雞三足主明德金
 火犯守之有憂入去極百十三度
 從官二星在積卒西北距西星去極百二十
 度入氏十四度



心 一名大火
 六度十八分
 スイン

心三星天王位也中星曰明堂為天子之正位前星為太
 子不明則太子不得位後星為庶子明則庶子繼矣心上
 為日月五星之中道中心明則化成道昌直則地動移徙
 不見國亡又曰心變黑邑夫人有憂直則王失勢動則國
 有憂離則民流客星及孛犯之天下兵荒距西前星去極
 百十四度半
 積卒十二星在房心西南五營軍士也微而小則吉明大

控動兵大起一星亡兵出二星亡兵半出三星亡兵出
盡他星守之兵大起近臣誅距大星去極百二十六度半入氏宿十五度



尾

十七度七十
八分

尾九星狀如鉤后妃之府後宮之場也北之一丈為天之
中道上第一星后也次三星夫人次則嬪妾旁一星日神
宮解衣之內室尾星色欲均明大小相承則后妃無妬忌
後宮有叙多子孫星微細暗則后有憂疾疎遠則后失勢
動移則君臣不和天下亂就聚則大水也木犯之及月暈
則后妃死火犯之宮中內亂土犯吉水犯宮中有寧客星
犯大臣誅日月食主饑去極百二十七度半
龜五星 在尾南漢中主占定吉凶明則君臣和不明則為

母辰亡則赤地千里火守之兵起在外守之兵罷第二

星去極百十四度半入尾宿十度

魚

一星 在尾後河中主陰事知雲雨之期也大則陰陽
和風兩以時暗則魚多亡動搖則大水暴出火守在南
則早在北則水起去極百二十六度

天江

四星 在尾之北主太陰不欲明明而動水暴出參差
則焉實其星不具則河關道不通

傳說

一星 在尾後河中主後宮女巫祀神靈以求子孫
明大則王者多子孫小而暗則後宮少子動搖則後宮
不安天子無嗣去極百八十四度

登壇必究云傳說

一名太祝神天王之內祭祀以祈子孫
今之婦人求子皆祀婆神此傳說之義也偶商之傳說與
此同名諸子家更不詳審其義則曰傳說騎箕尾而去殊
不知箕尾專主後宮之事故有傳說之佐焉
王鳴鶴云傳說商之良宰輔也其星則主宮中以祈其事不類故

先儒疑之然諸星中所謂軒轅社稷造父象仲王良皆古人之名蓋在天為天神在人為聖矣於理有之
△按以中華古人名為星之號者無其擬詳星之總論

棟


杵

箕

一名天津

九度五十八分


箕宿



キイ

箕四星狀似簸箕其二為踵二為舌踵在上挾舌在下廣箕亦名天津後宮妃后之位上六尺為天之中道主八風凡日月宿在箕壁翼軫者風起又主口舌主蠻夷故蠻夷將動先表箕焉大明直則五穀熟君臣安踈暗則五穀貴內外有差就聚細微天下有憂動則蠻夷有使來月量金火犯之兵起流星犯大臣叛距西北星去極百二十一度半

杵三星在箕南主杵臼之用也縱為豐橫為饑移徙人失業不見人相食客星入杵臼天下有急變距中心大星去極百三十八度入箕糠一星在箕口前杵臼西北明則為豐暗則為饑不見人相食去極百十七度半入尾宿十七度半



斗

二十二度六十八分


南斗

天廡 天機

南斗六星北方第一之宿狀似北斗五星貫中日月正道為丞相大宰之位酌量政事之宜褒進矣良稟授爵祿又主兵南二星魁天梁也中央二星天相也北二星天府建也亦為壽命之期將有天子事占於南斗星盛明君臣一心天下和平爵祿行芒角動搖天子愁兵起移從其臣逐星小暗則廢宰相及死距西第三星去極百十九度

龍十四星在南斗之南龍為水虫歸太陰有星守之白衣
 會主有水也火守之早距東大星去極百
 天弁九星在建星北入河中宮之長也主列肆闐闐若市
 籍之事以知市珍也星明則吉彗星犯守之羅貴兵起
 建星六星在斗背一期名臨於黃道天之都關也七曜之道
 為天鼓為天馬南二星天庫也中央二星市也鉄鎖也
 上二星旗附也建星動搖則人勞月暈蛟龍見牛馬疫
 月食五星犯守大臣相譖臣謀主為關梁不通有大水
 天雞二星在狗國北主候時也金火守兵大起距西星去
 入斗宿十
 狗二黑星在斗魁前主吠守防姦回也不居常處為大災
 距東大星去極百十
 天籟八星在斗南斗柄西主鎖籬關閉明吉暗凶距西大
 星去極

百十四度入
 尾宿十九度
 農丈人一星在南斗西南老農主稼穡也其占與糠星略
 同去極百二十四度
 狗國四星在建星東北主鮮甲鳥明則兵寇作金火犯守
 外夷有變客星犯守之有大盜距西北星去極百二
 天淵十星一名天海在龍東南火守之大旱水守之大水
 又云主海中魚鼈距中星去極百二十七度
 織女
 河鼓
 牛宿
 天枵
 羅堰
 天田
 九坎
 牽牛六星狀似牛有兩角腹下從來欠一足在天河岸頭
 天之關梁日月五星之中道主犧牲上二星主道路次二
 星主關梁次二星主南夷中一星主牛移動則牛多殃明




牛
 牽牛
 七度

大則王道昌其星曲則糴貴不明失常穀不登細則牛賤
 中星移上下牛多死小星立則牛多疫月暈損犢金火犯
 之兵災水土犯之吉距中央大星去極百八度半
 輦道五星天子遊嬉之道距西北星去極四十七度半
 漸台四星臨水之台也主漏刻律呂之事如口形距東南星去極五十八度入入斗宿十度
 左旗右旗各九星在河鼓左右皆天之旗鼓也明潤則將
 軍吉動搖則兵起怒則馬貴距左旗西第四大星去極七十三度半入斗廿四度
 河鼓織女各在牽牛之北左右詳出于後
 天桴四星在河鼓之南桴也星不明漏刻失時動搖則
 軍鼓用桴距大星去極九十四度
 羅堰三星在牽牛東主堤塘壅蓄水潦灌溉田苗大而明
 大水泛溢距北星去極九十九度
 天田九星在牽牛南太微東主天子畿內之田其占與角
 之天田同距西北星去極百六十度

九坎九黑星

在天田東主溝渠所以導達泉源流瀉盈溢
 明盛則有災夷狄侵邊不明則吉距大星去極百四十一度半入斗廿五度



女 十一度二十
 九分
 一名須女
 又名婺女

須女四星形如箕其下九尺為日月中道天之少府也主
 嫁娶謂之須女須賤妾之稱婦織之卑者也主婦女之位
 主布帛裁制嫁娶星明天下豐女功昌小暗則國藏虛移
 動則婦女受殃產死多后妃廢日月食國憂木犯之立后
 火犯之女喪金犯之災土孛犯之損蠶月暈婦人災又曰
 水守之萬物不成火守之布帛貴人多死土守之有女喪
 金守之兵起距西南星去極百四度半
 天津九星在虛危北橫漢中津梁所渡明而動則兵起如

流死人如亂麻參差，不齋馬貴一星不備關梁不通三
星不備覆陷天下星亡水災河溢水賊稱王去極四十二星

挾箱七黑星主蠶事見則吉不見凶

奚仲四星在天津北古車正也金火守之兵車必起北星

去極三十八度入牛宿十八度

甄瓜五星在離珠北主陰謀主後宮主果食明則歲熟微

則后失勢瓜果不登客星守之魚鹽貴十九度入牛宿

敗瓜五星在甄瓜之旁與甄瓜畧同

離珠五星在女宿之北須女之藏廚也為女子之星非其

故後宮亂客星犯之後宮凶距東北去極九十

十二國十六星齊坎一星在九

之周越二星在秦二星在周代秦二星在晉

西魏韓之西楚魏之西燕韓之西其星為變各以其


國距趙西星去極百二十

按天之所覆者廣而周旋不窮也然華夏所占者牛女

之下列十二國何耶牛女在天則北方宿也而屬揚州

分野十二國不特揚州而已又天市垣之內有稱華夏

諸國之名星未知其據登壇必究亦評之而不果



虛

九度十三
分太

口云一

虛二星家宰之官也主邑居廟堂祭祀之事又主風雲死
喪下九尺為天之中道明靜則天下安搖動則有死喪哭
泣日月食兵起流星犯之賊亂宗廟五星犯之有災距南
星去極百度半

司命二星在虛北主舉過行罰滅不祥距西星去極九十

司祿二星在司命北主爵祿增延年德故在六宗之祀西

星去極九十度
司危二星在司祿北主驕佚距西星去極八十五度

司非二星在司危北主愆過距西星去極七十九度

凡此四司皆黑星明大為災居常則平

哭二星在虛南主號哭也距西星去極百十七度

泣二星在哭東主死距南星去極百四度


明則國多哭泣金火守之亦然

天壘城十三星在泣南如貫索形主北夷丁零匈奴距西極百二十六度

敗曰四星在虛危南知凶災他星守之饑兵起距北星去極百三十九度

離瑜三星在秦代之東而南北列離圭衣也瑜玉飾婦人

之服也微則後宮儉約明大則婦人奢距西星去極百二十八度



危 十六度十分八分

危三星主天府天市架屋為天市廟堂其下九尺為天之
中道虛危兩星主死喪哭泣火守之天子將兵金守之飢
饉兵起火守之兵起水守之下謀上月暈日月五星犯之
有災距南星去極九十九度

人星五星在車府東南黑如人象主靜衆廢柔遠能邇


名臥星主防淫不見則人有詐行詔書明則人安暗則

杵三星在入星旁主軍糧正直下則吉不相當則糧絕不

直則民飢距南星去極六十一度

白四星在入星東南主春白覆則大飢仰則大豐客星入

杵臼兵起天下聚米距西南星去極六十九度半入危宿二度半
 車府七星在天津東南而東近河邊抵司非主官車之府距西第一星去極五十六度半
 金火守之兵車大動距西第一星去極五十六度半
 天鈞九星在造父西河中形如鈞主乘輦服飾法式直則距中
 地將動明則服飾正也
 造父黑五星在傳舍之南河中御官也又名伺繮星亡馬大距北星去極三十八度
 貴明則吉距北星去極三十八度
 墳墓四星在危下如墓形主喪葬之事明則多死亡距中
 極九十六度入
 危宿五度半
 虛梁四星在蓋屋南主園陵寢廟金火守之入犯兵大起距東四星去極百度半入危宿
 天錢入度△按東西之西當作北字十星在北落西北主錢帛所聚明則府藏盈不爾虛距東北星去極百十度入危宿三度
 耗金火守之兵盜起距東北星去極百十度入危宿三度
 蓋屋二星在危南主天子所居室亦為宮室之官金火守距西星去極九十七度入虛宿九度
 乏國兵起彗星尤甚也距西星去極九十七度入虛宿九度




營室二星為太廟天子之宮又軍糧之府主土功事星明則國昌小不明則祠祀鬼神不享國多疾疫動則有土功兵出野距南星去極八十度半
 離宮六星兩兩居之分布室壁之間天子之別宮也主隱藏休息之所金火守之兵起距西南星去極八十七度入室
 雷電六星在室南主雷動蟄明或動則震雷作距西南星去極八十七度入室
 壘壁陣十二星在羽林之北橫列營室之南羽林之垣壘也星衆而明則安寧希而動則兵起不見則天下亂五星入天軍皆為兵起金火水尤甚距西大星去極百十五度入女宿十一度

羽林軍 四十五星 三三而聚散在營室之南天軍也主軍
 騎又主翼王也星衆而明則安寧希而動則兵革起不
 見則天下亂金火水守入兵起入危宿十五度半十七度
 斧鉞三星一名斧鎖在入魁西北主誅夷不明則斧鎖不
 用移動則兵起有星入之皆為大臣誅距北星去極百
 三十度入室宿
 二度

北落師門 一星在羽林之西南天之蕃落也長安北門曰
 北落門以象此也主非常以候兵明大則軍安微弱則
 兵起金火守之有兵災去極百二十六度
 入危宿十一度半
 入魁 九黑星在北落東南主張禽獸之官也客星入之多
 盜賊兵起金火入之亦然距南星百二十九度
 入室宿四度半
 天網 一星在北落之西南主武帳天子遊獵之所會金火
 守之兵起去極百二十九
 度入危宿五度
 土功吏 二星 主土功之官也動搖則有修築之事距西星
 去極八
 十五度入
 室宿初度

螭蛇二十二星在室之北若盤蛇之狀居於河濱謂之天
 蛇星主水蟲微則國安明則不寧移南大旱移北大水
 客星守之雨水為災水物不取距中大星去極四十四
 度少入危宿九度半
 △按雷電星在室南霹靂在雷電南雲南在霹靂南皆有
 室壁二宿之中蓋北方之辰故其神棲焉



壁二星下九尺為天之中道主文章天下圖書秘府也又
 主土功明則圖書集道術行小人退君子進星失色大小
 不同天子重武臣賤文士圖書隱親黨回邪用動則有土
 功離徙就聚為田宅事日月食損賢臣五星孛犯之兵起
 距南星去極八十度半

土公 兩黑星 壁下藏

霹靂 五星 在土公西南主與雷奮擊明而動吉不明凶

星去極九十三度

雲雨 四星 在霹靂南明則多雨水火守之大旱


去極九十九度

天廐 十星 在壁之北天馬之廐今之驛亭也不見則天下

道斷 距西星去極四十九度

鉄鎖 五星 在天倉西門刈具也主斬芻飼牛馬明則牛馬

肥微暗則牛馬饑餓並死喪也



庫也主兵主溝瀆九尺下為天之中道西南大星曰大將

明則天下安動則兵亂客星守入之兵起金火守有水災

若帝淫佚政不平則奎有角角動則有兵不出年中或有

溝瀆之事又曰奎中星明水大出日月食五星犯之皆有

凶距西南大星去極七十二度

天溷 七星 在外屏之南天之厠也不見則人不安移徙亦

然 距西南星去極九十

外屏 七星 在奎南以蔽天溷也占與天溷同

壁宿八 距西星去極八十九度入

土司空 一星 在天溷南主水土之事大而黃明天下安若

容星入之多土功天下大疫

軍南門 一星 在將軍西動搖則軍行不見則兵亂

入奎宿 去極六十五度

閔道 六星 在王良前一名王良旗天子遊別宮之道主道

里所以為旗表而不欲其搖動一星不具則輦道不通

動推則宮掖之內兵起

附路一星在閣道南傍別道也備閣道之敗復而乘之也

一曰太僕主禦風雨亦遊從之義也去極三十五度

王良五星在奎北居河中天子奉車御官也其駟星曰天

駟旁一星曰王良天駟其星動為策馬故曰王良策馬


車騎滿野又名王梁梁為天橋主禦風雨水道路其星

移主有兵又為客星守之橋不通金火守之皆為兵憂

距西星去極三十度入壁宿初度

策一星在王良之前旁取王良之御策也主天子僕御若

移在馬後是為車騎滿野



婁三星不勻近一頭其下九尺為日月中道主苑牧犧性

供給郊祀亦為興兵聚眾動搖則聚眾星直則國不安金

火守之宮苑之內兵起日月食宮內亂亭犯兵起水犯之

吉距中星去極七十五度

左更五星在婁東主山澤林藪之事亦主仁智距西南星

六度半入婁宿四十四度左更右更秦爵名

右更五星在婁西主官養牧牛馬又主禮義金火守之山

澤有兵其占兩更同距東北星去極七十度

天倉六星在婁南倉穀所藏也星黃而大歲熟距西北星

度半入奎宿十一度

天庾三星在天倉之西南積厨粟之所也距中大星去極


五度

天大將軍十二星在婁北主武兵中央大星天之天將也

外小星吏士也其大將星搖兵起大將出小星不具兵

起距大星去極六十度


半入婁宿四度



十五度五十七分
胃宿
一名大梁

胃三星狀似鼎足天之厨藏五穀之倉又名大梁也明則四時和平天下晏然不明則上下失位又云動則有輸運事就聚則穀貴人流暗則二荒五星犯日月食孛侵並有災距西南星去極六十七度半
 天廩四星一名天倉在昴南主積蓄黍稷以供享祀春秋所謂御廩也距南星去極八十五度半入胃宿十二度
 天囷十三星在胃南倉廩之屬主給御糧也明而黃則歲豐微變常色則不吉金火守之即災起距大星去極九十一度半入胃宿六度
 太陵八星在胃北主陵墓明而大或中星多則天下多死

喪或兵起距大星去極五十四度入危宿七度按危宿之危當作胃
 天船九星在昴之北居河中津河不通水泛溢中四星欲其均明即天下安不則兵欲喪移徙亦然客禁出入為大水有兵距大星去極五十四度半入胃宿十度
 積戶一星在太陵中明則死人多積廩明而大或有傍星多則天下多死喪或兵起若不見而暗皆吉火守則天下多哭泣去極五十五度入胃宿四度
 積水一星在天船中主候水災去極五十三度入昴宿初度



渡昴七星下為日月中道天之耳目也主獄事主喪主口舌委對明大則君無佞臣天下安和暗小則刑罰濫動搖

則信讒殺忠良六星與大星等大水有白衣會七星黃兵
 大起動搖則大臣下獄大而盡動若跳躍者胡兵大起一
 一星不見兵之象也距西南星去極七十度

△按宿耀經云昂為六星火神者不知其處也又天文書
 云以望遠鏡窺之則昂七星而實則三十七星也

天河一黑星在胃東主女人災福去極六十六度

月一黑星在昂東亦主女人災福去極七十一度

天陰五星在畢柄西主從天子七獵之臣預陰謀也不明

則禁言漏洩距西星去極七十五度

天苑十六星在昂畢南如環狀天子之苑囿養禽獸之所

也主牛羊明則馬牛羊盈希則死距東北星去極百廿

芻藁六星在苑之西以供牛馬之食也天積名天子之藏府

也星盛則歲豐穰希則貨財散不見則牛暴死火守之

則火災起距西行中星百八度

卷古六星在昂之北天讒之外主口語以知讒佞又主樞

杓曲而靜則賢人用直而動則讒人得志卷舌移出漢

則天下多言旁星繁則死人如丘山去極五十二度

天讒一星在卷舌中主醫平其占與從官同去極六十一度

半度


礪石四星在五車北主磨礪鋒刃明則兵起如常則吉金

火及客星守之兵動距南第一星去極六

凡星名稱月稱天者皆在昂畢之間蓋昂畢之間為天街

黃道之所經也日精在氐房之間自司其行度而氐房昂

畢乃黃道之所經為天街不得而司之



畢 十六度
 三十二
 長柄小
 細掩免
 者名畢
 此星形
 似故名

知莫三才圖會

天文十八宿

卷之二

畢八星恰似龍又主七獵其大星曰天高邊將主四夷之尉也星明大則夷狄來貢天下安失色則邊兵起一星亡為兵喪動搖則兵起有讒臣離從天下獄亂就聚法令酷又云畢主街巷陰雨天之兩師也故明而移動則霖潦及街壅塞明而定則天下安日月食邊兵木犯之有軍功附耳一星在畢下天高東南隅主聽得失伺愆邪察不祥

星盛則中國微有盜賊邊候警外國及聞兵連年合移動則佞讒行兵大起邊尤甚入畢兵起去極七十七度

天街二星在昂畢間三光之道也主伺候關糧又主國界也街南為華夏街北為夷狄金火守之胡夷兵起明則

王道正暗則兵起距南星去極七十度入畢宿十度

天節八星在畢南主使臣之所持也宣威德於四方明則吉暗則凶距北星去極八十度入畢宿二度

諸王六星在五車南居天漠之中主宗社蕃屏下室也明

則諸候奉上天下安不見宗社頌危四方兵起距西星去極七十度入畢宿三度

天高四星在參旗西北近畢此星樹之高主遠望氣象不見則官失其守陰陽不和距東星去極七十四度入畢宿六度

五車五星三柱九星共在畢東北五車主天子五兵其兵車舍也西北曰天庫主太白東北星曰天獄主辰星東

南星曰天倉主歲星中央星曰司空主鎮星西南星曰

日旗五星均明柱皆具即人倉廩實不具其國絕食兵且起三柱出外兵出柱入兵入柱出一月米貴三倍期

一幸出兩月米貴六倍期三年出三月米貴十倍許如柱不與天倉相近米穀運出千里在倒立尤甚火守入

之天下旱金守入之兵起距大星去極四十九度入畢宿八度半

天潢五星在五車中主河梁濟渡之處也不見則河梁不通距西北星去極五十一度入畢宿十一度

咸池三星 在玉井西南 天子之旗也 主邊軍進退 金火守

月五星入天潢兵起道不通天下亂易政咸池明則有

龍墜死虎狼害人兵起距南星去極五十一度

天關一星在五車南畢西北天門日月五星所行之道也

主邊塞事主關閉芒角有兵五星守之貴人多死移徙

若與五車合大將軍披甲去極七十一度

參旗九星在參之西五車之間天旗也又名天旗明而希

則邊寇不動不然反是又主司弓弩之張候變禦難距

第一星去極八十度

九房九星在玉井西南天子之旗也主邊軍進退金火守

之兵亂起距南星去極百十三度

天園十三星在天苑之南植果菜之所也曲而鈞則果菜

熟不然則否距東北星去極百二十四度入畢宿五度

司旗

司旗

初五分

紫旗

紫

紫鵬

座旗

紫鵬三星狀如鼎足在參之右角主天之關明大則天下

安五穀熟移動則君臣失位天下旱又云為三軍之候行

軍之藏府也主葆旅收斂萬物明則軍儲盈將得勢動而

明盜賊群行葆旅起動移將有逐者金火來守之國易政

兵起災生日食臣不忠月食君害臣五星犯之災生字容

星犯之兵起距西南星去極八十二度半


坐旗九星在司旗西北主別君臣尊卑之位明則國有禮

暗則反是距南星去極六十一度

司旗四星曲立坐旗邊近并鉞前候天地日月星辰禽獸

草木蛇虫之變其占與天高同距西星去極七十一度

參宿六度半



參 十度二十三分
 參 一名
 參 參伐
 大辰
 天市
 鉄鉞

參十星上為日月五星中道總有三星皆相侵兩肩雙足
 三為心有伐三星蓋參為忠良孝子明大則臣忠子孝安
 吉移動殺忠臣又云參主斬刈主殺伐主權衡主邊城為
 九譯故不欲其動也參白獸之躰其中三星橫列三將也
 東北曰左肩主左將 東南曰左足主後將軍
 西北曰右肩主右將 西南曰右足主偏將軍 故黃帝占
 參應七將中央三小星名伐者天之都尉也主胡鮮卑戎
 狄之國故不欲明七將皆明天下兵精也王道缺則芒角
 動搖邊候有急天下兵起參左足入玉井中兵大起山石
 為恠參足若突出玉井則虎狼暴害入金火來守之國易
 政兵起災生日月食田荒米貴五星犯之災甚距中星西

第一星去極九十二度半

玉井四星 在參西右下小象也 距西北星去極九十八度

屏二星 在玉井南為屏風客星入之四足蟲大疾人亦多

死不見則國內寢疾 距南星去極百十五度


軍井四星 在玉井東西行軍之井也 距西南星去極百五

天側四星 在天屏東即天溷也主天下病疾黃吉青赤白

皆凶不見國內寢疾 距西北星去極百十

天尿一星 在廁南色黃則吉他色皆凶 參宿去極百十五度入

參宿三度半



井八星南方第一之宿橫列河中主泉水天之南門也日

和莫三才圖會

天文十八宿

卷之二

井

東井 一名 天井

月五星貫之為中道又為天子之亭候主諸侯帝戚三公之位故明大則封侯建國搖動失色則三公帝師受殃矣月宿并有風雨之應距西扇北第一星去極六十九度鉞一星附井之側主伺奢淫而動之故不欲甚明大與井齋或搖動則天子用鉞於大臣去極六十九度南北兩河各三星分夾東井一曰天高天之闕門主關梁南河曰南戌又名南宮又名權門主火北河曰北戌北宮又名陰門又名衡星主水兩戌之間三光之常道也其星動搖則中國兵起

天樽三星在五諸侯南主盛饘粥以給酒食之正也明則豐暗則荒或云暗則吉距西星去極六十度五諸侯五星在井東北近北河主刺奔戒不虞治陰陽察得失亦主帝心四曰帝師二曰帝友三曰三公以為帝定議星明大潤澤則天下大治芒角則祲在中又云赤則豐暗則荒距西星去極五十六度半入井宿六度半

積水一星在河北所以供酒用也不見為災又主候水災去極五十四度半入井宿十八度積薪一星在積水東以備庖廚之用明則人主康火守之大旱去極六十五度半入井宿二十七度水府四星在井西南水宮也占與水位同距西星去極七度半入井宿七度水位四星在井之東主水衡主瀉溢流也如移動近北河則國沒為江河如水火及客星守犯之百川盈溢距西星去極七十三度半入井宿十八度四瀆四星在井之南軒轅之東以江河淮濟之積精也明大則水泛溢距西南星去極八十八度入井宿二度軍市十三星如錢狀在參東南天軍貨易之市也客星及金火守之有軍大饑距西北星去極百七度入井宿初度野雞一星在軍市中主變恠也以芒角動搖為兵災移出則諸侯兵起距西北星去極百七度入井宿初度

如漢三才圖會
卷之十
星

丈人二星在軍市西南距西星入參宿四度

子二星在丈人東距西星入參宿九度

孫二星在子之東距西星入井宿六度 丈人主壽考之臣不見則人臣不得通子與孫皆侍丈人之側相扶而居不見為災守常無咎


關丘三星在南河之東主象魏天子之馭關諸候之兩觀也金火守之兵戰距大皇入井宿十五度

狼一星在井之東南關丘之下為野將主殺掠色有常不欲變動角而變色動搖盜賊作胡兵起人相食躁則人主不靜不居其功馳騁天下居非其處則人相食色黃

黃白而明吉黑凶赤芒角兵起金火守之亦然去極半入井宿十度

孤矢九星在狼之東南天弓也以備盜賊嘗向狼孤矢動搖不知常者多盜賊明則兵大起狼孤張害及胡天下乖亂凡孤明而張則天下盡兵去極百十四度入井宿十五度

老人一星在孤之南蓋南極界也秋分之且見于丙春分之夕沒于外明大則天下安寧不然則否去極百四十三度入井宿 度此星主人民壽筭南極入地三十六度不可得而見也故其精神出地以見乎謂之南極老人然其出地亦不甚遠故隱見不常見則為祥雖在井分不得而司之



輿鬼四星冊方似木櫃為日月五星之中道主死厄疾病主祠事天目也東南星主積兵 變石之中央一星名積尸氣但見其氣而已主死喪祠祀西北星主積金玉 鐵質主誅斬鬼星明大則殺成不明則人散動而光上賦歛重淫役多星徙人愁政令急距西南星去極六十九度

半天經或問云積尸氣者白氣也實

燿四星在軒轅之西烽燿主烽火備警急占以不明安靜

明大甚則邊亭警急搖動芒角亦然或曰明則吉暗則

天狗七星在鬼之西南狼之北橫河中守賊也移徙則火

起金火守之人相食入井宿二十二度

外厨六星在柳南天子之外厨也占與天厨同極九十二

天社六星在弧之南似柳之直形明則吉隋志云共工之

子名勾龍能平水土故祀以配社其精為星去極百三

天紀一星在外厨之南主知禽獸齒歲金火守之禽獸多

死去極百一度半


入柳宿五度

天紀一星在外厨之南主知禽獸齒歲金火守之禽獸多

柳八星狀曲頭垂似柳上為天之中道為朱雀之喙天之
厨宰也主尚食和滋味又主雷雨主水功又名天相主飲
食倉庫醋之位明大則人豐酒食失色則天下不安饑饉
流於道路不過三羊必應距西第三星去極八十二度半
酒旗三星在軒轅右角之南酒官之旗也主宴享飲食
北星去極七十七度
度入柳宿十四度



和漢三才圖會



星 六度四十分

星七星形如鈎主后妃御女之位又為賢子明則王道昌暗則賢良不處失色芒動則后妃死又主衣裳文彩主急兵守盜賊如星離則易政日食兵饑婦人災水犯之人安火犯之旱金土水犯之俱災月暈孛犯之兵起距大星去極九十六度

軒轅十七星在星之北黃帝之神黃龍之體也后妃之主而主女職也一名東陵主雷雨之神其南大星女主也次北一星夫人也屏上也次北一星妃也次將其次諸星皆次妃之屬也女上南小星御女也左一星少民少后宗也右一星大民太后宗也欲其色黃小而明也

又云 雷激 雨怒 霧凝 露聚 虹霓 陰陽交 風亂 霜散 雲立 背商分 抱珥

此等之變軒轅主之如移徙則國人流通水火金守之女主惡也距大星去極七十度入張宿二度


內平四星在中台南耀之北平罪之官也明則刑罪平暗則否距西星去極五十二度入張宿六度

天相三星在酒旗之南丞相之象也距北星去極九十五度入星宿六度

天稷五星在七星之南主農正也取乎百穀之長以為其號明大則歲大豐不明則儉不見則人相食距大星去極百三十度入柳宿三度


△按軒轅有兩角而似車之軒轅故名或云軒轅者黃帝之別名此星神降生為黃帝之二說未史如王良奚仲造父傳說亦皆附會于古人名爾然若堯舜蓋洩之乎恐其可有所不穿鑿亦可矣蓋軒轅本天市垣之星而在南方正中形色如黃龍以為土德也蒼龍東方玄武北方白虎西方朱雀南方黃龍中央以五行神備

矣北斗五星向軒轅及星宿正中則知軒轅非尋常星也



張六星似軫在星傍主天廟明堂御史之位又主天厨飲食賞賚之事上為天之中道明大則國盛強失色宗廟不安動則賞賚離徙則天下有逆人就來則有兵金火守之兵起或云主貢物色細無光王者少子孫火守犯之兵起土水犯之國不寧距西第二星去極百二度半天廟十四星在張之南天子祖廟也客星守之祠官有憂其占與虛梁同距西北星去極百十三度半入柳宿十三度長垣四星在少微南主界域及胡夷火守之胡人入中國


太白入之九卿謀反距南星去極七十六度入張宿十四度少微四星在大微西而南北列主大夫之位一名亦天子副主又云主衛掖門南第一星為處士第二星為議士第三星為博士第四星為大夫明大而黃則賢士卒月五星犯守之處士女主憂宰相易距東南大星去極六十五度半入張宿十五度



翼 二十度二十六分

翼二十二星太難識上五下五橫着行中心六箇恰似張星更有六星在何處三三相連張曉附為天之樂府主俳倡戲樂又主夷狄遠客明大則禮樂興四夷來賓動則蠻夷使來離徙則天子卒兵失色則民流日月交食五星並

犯動則化道不行，文籍壞滅，動移則三公廢，距中心西第二星去極百四度。
 東甌五星在翼之南，蠻夷星也。金火守之，其地有兵芒角，動搖兵內叛。距西南星去極百二十九度，入張宿七度。




軫宿
 十八度
 六十五分
 二十度

軫四星形似張翼相近，中央一箇名長沙，軫主將軍樂府歌謹之事，五星犯之，失位國亡。女子主政，人失業，賊黨掠入禍生於百日內。若明大則天下昌，萬民康，四海歸王化。又云軫為冢宰輔臣也，主車騎。明大則車騎用，距西北星去極百三度半。
 左轄附軫之左，傍為異姓，星明兵大起，遠軫凶。去極百一度。

宿五

右轄附軫之右，為王者同姓，占同于左轄。去極百十度半。
 長沙一星在軫之中，主壽命也。明則人壽長，子孫盛。
 軍門二星在青丘，西天子六軍之門也。主營候豹尾威旗，占以移其處為道不通。距西南星去極百十二度。
 司空四星在軍門南，主土功。金火犯之，天下田不得耕。
 女不得織，又主界域。距南星去極百二十四度。
 青丘七黑星在軫東南，主東方三韓之國。占與東甌同。距西去極百二十四度。
 器府三星在軫南，主樂器之屬也。明則樂器調理，暗則有咎。距西北星去極百三十七度半，入翼宿八度半。
 △按軫南方之宿，青丘在其分野，而謂主東方三韓之國者，不知其概也。蓋三韓者朝鮮國，而華夏人稱之東方，則可也。日本人稱之東方，不可也。然如甘石巫咸能知天文者，言之可有其概矣。

以上二十八舍



天河

わまたら

雲漢 銀潢

銀河 河漢

銀灣 銀浦

和名阿萬乃加八


博物志云天河與海通浮槎木實一羊狼至一處見婦人織丈夫牽牛渚頭飲之此人問何處丈夫曰可謂蜀嚴君平問之君平曰某年月客星犯牛斗正是此人到天河時也
正法念經云帝釋與脩羅戰時帝釋所乘馬吐氣其氣連天云是天河也

楊泉物理論云漢水精也氣發而升精華浮上宛轉隨流名曰天河


天經或問云以望遠鏡窺之天河實是小星之隱而不見者然微而甚多攢聚一帶益因天躰通明映徹受諸星之光并合為一真白練焉

△按天河詩小雅維天有漢監亦有光是也蓋淡白色而如遠望川河故雖稱河而非水非氣而本此天四象之一物體謂之四星辰太陽為日太陰為月少陽為星少陰為辰辰則此天河而斜絡天緯微星多所以係于此者也矣天河去兩極凡三十度斜纏天緯常隨天宛轉不止如冬至黃昏則北傍見東西夜半則乾巽斜黎明則平乎地面故不見也月甚照則光所掩難見然每無有形象之異可知非精氣也
古言少陰為辰辰者無也
博物志之言虛也正法念經之說妄也物理論之辨憶見也或問之論是而亦未詳審故以愚按評異說耳

河漢北極星見界




河漢南極星見界



登檀必究云天漢起自東方箕尾間乃分為南北道南經
 傳說入魚淵開蓋戴弁鳴河鼓北經龜宿貫箕邊次絡斗
 魁胃左旗又合南道天津涓二道相合又南行分夾執丸
 絡人星杵畔造父騰蛇精王良附路閣道平登此大陵泛
 天船直到卷古又南征五車駕向北河南東井水位入吾
 驂水位過了東南游經次南河向關丘天狗天紀與天稷
 七星南畔天河沒

△按南極星不見分畧之不載也所謂七星者二十
 舍之內星宿也



河鼓

黃姑 三武
 天關

和名比古星
 又云以奴加
 比星


河鼓三星在牽牛宿之北天河之東南天鼓也主軍鼓及
 鈇鉞主天子三將軍故名三武中央大星為大將軍左星

為左將軍右星為右將軍左星者南星也所以備關梁設
 險阻而拒難也明大光潤則吉動搖差度亂兵起直則將
 有功曲則將失律陣中星去極八十三度大

和名太奈
 八太豆女

織女


和名太奈
 八太豆女



織女三星在天河北天紀東端天女也主果蔬絲綿寶玉
 也王者至孝神祇咸喜則織女星俱明天下和平大星怒
 角布帛貴又曰三星俱明女功善暗而微天下女功廢不
 見兵起其大星去極五十二度半入斗宿五度
 廣博物志云織女一名收陰七月初昏正向東

天紀川也... 天紀川也... 天紀川也...

△按河鼓織女在牛宿之度分世俗所崇敬之星故贅出
 于此蓋倭名抄以河鼓為牽牛為彗星彗者男子之象
 對織女附會之號而已牽牛者本牛星之異名也此星
 以有牽牛之度分終為其名者謬也加之據牽牛之詞
 河鼓引牛在渚頭之說可笑



織女

太史公曰河鼓織女在牛宿之度分世俗所崇敬之星故贅出
 于此蓋倭名抄以河鼓為牽牛為彗星彗者男子之象
 對織女附會之號而已牽牛者本牛星之異名也此星
 以有牽牛之度分終為其名者謬也加之據牽牛之詞
 河鼓引牛在渚頭之說可笑

